

KEPELBAGAIAN ALIRAN ISLAM DALAM KITAB *AT-TANBIH WA AL-RADD 'ALA AHL AL-AHWA' WA AL-BIDA'* MENURUT ABU HUSAYN AL-MALTI

THE DIVERSITY OF ISLAMIC THOUGHT SREAMS IN THE BOOK AT-TANBIH WA AL-RADD 'ALA AHL AL-AHWA' WA AL-BIDA' ACCORDING ABU HUSAYN AL-MALTI

Mohd Khairil Fitri Diman^{1*}, Wan Haslan Khairuddin², Aaisyatul Mardhiyyah Ishak³, Mohd Al Dandarawi Mustafar⁴

¹ Pelajar Sarjana, Jabatan Usuluddin dan Falsafah, Fakulti Pengajian Islam, Universiti Kebangsaan Malaysia (UKM), p131484@siswa.ukm.edu.my.

² Pensyarah Kanan, Jabatan Usuluddin dan Falsafah, Fakulti Pengajian Islam, Universiti Kebangsaan Malaysia (UKM), wanhaslan@ukm.edu.my.

³ Pelajar Sarjana, Jabatan Usuluddin dan Falsafah, Fakulti Pengajian Islam, Universiti Kebangsaan Malaysia (UKM), p131667@siswa.ukm.edu.my.

⁴ Pelajar Sarjana, Jabatan Usuluddin dan Falsafah, Fakulti Pengajian Islam, Universiti Kebangsaan Malaysia (UKM), p138013@siswa.ukm.edu.my.

*Penulis penghubung

Artikel diterima: 05 Ogos 2024 | Selepas Pembedaan: 21 Oktober 2024 | Diterima untuk terbit: 29 November 2024

Abstrak

Artikel ini membincangkan kandungan kitab *at-Tanbih wa al-Radd 'ala Ahl al-Ahwa' wa al-Bida'* karya Abu Husayn al-Malti (m.377H/987M). Isu-isu utama yang menjadi perbincangan dalam artikel ini ialah: [i] Latar belakang Abu Husayn al-Malti; [ii], Skop, struktur, alokasi, dan afiliasi kitab *at-Tanbih wa al-Radd 'ala Ahl al-Ahwa' wa al-Bida'* dan [iii] Analisis perbandingan kepelbagaian aliran pemikiran Islam dalam kitab *at-Tanbih wa al-Radd 'ala Ahl al-Ahwa' wa al-Bida'* dengan kitab *al-Milal wa al-Nihal*. Sumber primer yang menjadi asas dalam penulisan ini ialah kitab *at-Tanbih wa al-Radd 'ala Ahl al-Ahwa' wa al-Bida'* dan karya-karya yang berkaitan dalam kajian *al-Firaq al-Islamiyyah*. Terdapat 72 kepelbagaian aliran Islam yang terkandung di dalam kitab *at-Tanbih wa al-Radd 'ala Ahl al-Ahwa' wa al-Bida'* dan kitab *al-Milal wa al-Nihal* walaupun terdapat perbezaan dalam skop perbincangan antara kedua-dua kitab. Kesimpulannya, ciri-ciri pemikiran yang dibentangkan selaras dengan prinsip yang dibawa oleh Ahli Sunnah wal Jamaah.

Kata kunci

Ahl Sunnah wal Jamaah, At-Tanbih wa al-Radd 'ala Ahl al-Ahwa' wa al-Bida', kepelbagaian aliran, pemikiran Islam, Abu Husayn al-Malti

Abstract

This article discusses the content of the book *at-Tanbih wa al-Radd 'ala Ahl al-Ahwa' wa al-Bida'* by Abu Husayn al-Malti (d.377H/987M). The main issues discussed in this article are: [i] The background of Abu Husayn al-Malti; [ii] The scope, structure, allocation, and affiliation of the book *at-Tanbih wa al-Radd 'ala Ahl al-Ahwa' wa al-Bida'* and [iii] The comparative analysis of the diversity of Islamic thought in the book *at-Tanbih wa al-Radd 'ala Ahl al-Ahwa' wa al-Bida'* with the book *al-Milal wa al-Nihal*. The primary sources that form the basis of this article are the book *at-Tanbih wa al-Radd 'ala Ahl al-Ahwa' wa al-Bida'* and related works in the study of *al-Firaq al-Islamiyyah*. There are 72 groups of Islamic thought streams were found within both the books *at-Tanbih wa al-Radd 'ala Ahl al-Ahwa' wa al-Bida'* and the book *al-Milal wa al-Nihal*, although there are differences in the scope of discussion between the two books. In conclusion, the characteristics of thought presented are in line with the principle upheld by Ahli Sunnah wal Jamaah.

Keywords

Ahli Sunnah wal Jamaah, *Tanbih wal al-Radd 'ala Ahl al-Ahwa' wa al-Bida'*, The diversity, Islamic thought, Abu Husayn al-Malti

1.0 Pengenalan

Setiap orang beriman menginginkan satu jalan yang lurus dan dijauhkan daripada jalan-jalan yang tersesat dan terpesong daripada landasan agama. Dalam konteks ini, agama Islam merupakan jalan petunjuk yang diberikan kepada umat manusia untuk mencapai kebahagiaan dan keselamatan di dunia mahupun di akhirat. Ini kerana hanya agama Islam yang benar dan diterima di sisi Allah SWT berdasarkan firmanNya: “*Sesungguhnya agama (yang benar dan diredai) di sisi Allah ialah Islam*”. (*Ali-Imran* 3:19). Agama Islam memberikan petunjuk yang jelas dan lurus serta menuntun jalan kepada manusia daripada kehidupan yang penuh godaan dan cabaran ini. Namun demikian, umat Islam terpecah kepada 73 golongan. Ini berdasarkan Hadith daripada Muawiyah bin Abi Sufyian RA, bahawa Nabi SAW bersabda:

أَلَا إِنَّ مِنْ قَبْلِكُمْ مِنْ أَهْلِ الْكِتَابِ افْتَرَقُوا عَلَى ثِنْتَيْنِ وَسَبْعِينَ مِلَّةً، وَإِنَّ هَذِهِ الْمِلَّةَ سَتَفْتَرُقُ عَلَى ثَلَاثٍ وَسَبْعِينَ: ثِنْتَانِ وَسَبْعُونَ فِي النَّارِ، وَوَاحِدَةٌ فِي الْجَنَّةِ، وَهِيَ الْجَمَاعَةُ

Maksudnya: “Ketahuilah sesungguhnya golongan ahli kitab sebelum daripada kamu berpecah kepada 72 atau 73 golongan. Dan golongan ini (Islam) akan berpecah kepada 73 golongan. 72 golongan akan ke neraka dan satu golongan akan ke syurga iaitu *al-Jamaah*.”

(Riwayat Abu Dawud)

Apa yang dinyatakan dalam hadith ini memberikan gambaran tentang perpecahan dalam kelompok umat Islam. Menurut Wan Haslan (2017) hadis-hadis *iftiraq*

al-ummah kepada 73 menjadi asas utama perbincangan. Ini kerana hadis ini ada yang menyatakan satu kelompok selamat serta selebihnya binasa dan ada yang menyatakan semuanya selamat kecuali satu binasa iaitu kelompok zindik (i.i. orang yang imannya telah terpesong, orang yang sesat tidak percaya akan agama Allah yang sebenarnya).

Bagi mengenalpasti umat Islam yang terpecah kepada 73 golongan, beberapa ulama telah menghuraikan dan menghitung 73 golongan tersebut antaranya Abū al-Husayn al-Maltī (m.377H) (2007), Abu Mansur al-Baghdadi (m.429H), Abu al-Muzaffar al-Isfaryini (m.471H) (2010) dan lain-lain (Al-Kawthari 2010: 6-7). Justeru itu, artikel ini akan meninjau kepelbagaian aliran pemikiran Islam yang terkandung dalam kitab *at-Tanbih wa al-Radd ‘ala Ahl al-Ahwa’ wa al-Bida’* karya Abu Husayn al-Maltī.

2.0 Latar belakang Abu Husayn Al-Maltī

Nama penuh bagi Abu Husayn al-Maltī ialah Muhammad bin Ahmad bin ‘Abd al-Rahman Abu Husayn al-Maltī al-Shafi’i. Abu Husayn al-Maltī dilahirkan di Malatya, sebuah bandar di selatan Turki namun tarikh lahirnya tidak diketahui (Oliver 2006: 306). Beliau wafat di ‘Asqalon, Palestin pada tahun 377H. Beliau merupakan salah seorang ulama besar yang faqih, seorang qari yang mahir dan dipercayai. Antara guru beliau yang telah dikenalpasti adalah Abu Bakr Ibnu Mujahid al-Baghdadi atau lebih dikenali sebagai Ibnu Mujahid (324H), dan Abu Bakr Muhammad bin al-Qasim bin Basyar bin al-Anbari (327H), seorang qari dan ahli nahu yang dikenali sebagai Ibnu al-Anbari.

Terdapat beberapa ulama yang memuji kehebatan Abu Husayn al-Maltī dari sudut keilmuan yang dimiliki oleh beliau. Antaranya, Shams ad-Din Abu-‘Abdillah Muhammad ibn Ahmad adh-Dhahabi (748H) menyebut Abu Husayn sebagai seorang ulama dalam kategori kesembilan daripada para hafiz Al-Quran. Selain itu, Ibnu al-Jazari (833H) atau nama sebenarnya Abu al-Khair, Muhammad bin Muhammad bin Muhammad bin ‘Ali bin Yusuf al-Jazari al-Dimasyqi menyebutnya sebagai salah seorang ulama dalam ilmu qira’at. Abu Husayn al-Maltī juga memiliki murid yang sangat menghormatinya. Antara murid yang rapat dan mempelajari ilmu qira’at daripadanya ialah al-Hasan bin Mala’eb al-Halabi dan ‘Ubaidullah bin Salmah al-Maktab (Salim 1992: 203).

Abu Husayn al-Maltī mempunyai kedudukan yang tinggi di kalangan ulama. Ini kerana, beliau mendapat banyak pujian daripada ulama-ulama yang terkenal semasa zamannya. Antaranya adalah Imam al-Dani (444H) atau nama sebenar beliau Sheikh al-Islam Abu ‘Amru ‘Uthman bin Sa’id bin ‘Uthman ibn Sa’id bin ‘Umar al-Umawiy al-Muqri. Imam al-Dani merupakan salah seorang ulama qori dengan nama terkenalnya *Sairofi al-Maliki*. Beliau merupakan syeikh kepada para qori dan pakar dalam bidang ilmu qira’at. Imam al-Dani (444H) memuji Abu Husayn al-Maltī dengan berkata, “*Abu Husayn al-Maltī terkenal dengan kepercayaan dan keterampilannya*”. Selain itu, Abu Husayn al-Maltī juga seorang yang hebat dalam berpuisi. Ibnu al-Jazari (833H) menyatakan bahawa:

“Abu Husayn al-Maltī al-Shafi’i, seorang penduduk ‘Asqalon, seorang faqih, qari’ yang mahir, terpercaya. Beliau memiliki puisi dalam memuji qira’at, dimulai dengan: “Aku mengatakan kepada orang-orang Al-Kitab dan Ahl al-Fadl dan al-Hajar.” dan akhirnya:

“Meninggikan kata-kata harapan dan pahala. Dan aku memohon ampunan dan pemberian dari Tuhan, dan menyingkirkan kebanggaan dan kesombongan dari diriku. Dan aku memohon bantuan kepada-Nya sesuai dengan haknya, dan berlindung kepada-Nya dari kekurangan dalam kata-kata dan kesombongan”.

Pernyataan ini menunjukkan bahawa Abu Husayn al-Malti merupakan seorang yang pakar dalam bidang puisi. Pengkaji menemukan terdapat 2 karya yang telah dihasilkan oleh Abu Husayn al-Malti iaitu kitab *at-Tanbih wa al-Radd ‘ala Ahl al-Ahwa’ wa al-Bida’* dan *Qasidah* dalam 59 bait untuk membandingkan puisinya dengan Musa ibn ‘Ubaydillah al-Khaqani (Al-Kawthari 2007).

3.0 Kandungan Kitab *at-Tanbih wa al-Radd ‘ala ahl al-Ahwa’ wa al-Bida’*

Kitab *at-Tanbih wa al-Radd ‘ala Ahl al-Ahwa’ wa al-Bida’* ialah salah satu sumber rujukan penting dalam mengkaji mengenai kepelbagaian aliran pemikiran Islam. Kitab ini mempunyai beberapa cetakan pada tahun yang berbeza seperti suntingan Syeikh al-Marhi diterbitkan di Al-Majdal al-Mani lil Abja’th al-Syarqiyah, Beyrut pada tahun 2009 dan Muhammad Zahid al-Kawthari diterbitkan di Al-Maktabah al-Azhariyyah li al-Turath, al-Qahirah pada tahun 2007. Namun, dalam kajian ini pengkaji menggunakan kitab *at-Tanbih wa al-Radd ‘ala Ahl al-Ahwa’ wa al-Bida’* karya Abu Husayn al-Malti yang disunting oleh Muhammad Zahid al-Kawthari yang diterbitkan di Al-Maktabah al-Azhariyyah li al-Turath, al-Qahirah cetakan pada tahun 2014.

Tujuan daripada penulisan kitab ini adalah membincangkan golongan yang tidak disebutkan oleh ‘Abdul Qahir al-Baghdadi dan sejarahnya serta golongan aliran pemikiran Islam dengan nama-nama yang berbeza disebutkan di dalam kitab yang lain berdasarkan sumber-sumber yang tidak tersedia pada zaman itu (al-Kawthari 2007:3-4). Metode pembahasan yang digunakan oleh Abu Husayn al-Malti adalah merujuk kepada Muhammad bin ‘Akasyah al-Kirmani (249H) pada awal kitab, Abu al-Hassan Muqatil bin Sulayman bin Bashir al-Balkhi (150H) pada pertengahan kitab, dan Abu Khusyaisy bin Asyram al-A’swad Abi ‘Asim an-Nasa’i (253H) di akhir kitab (al-Kawthari 2007:6-7).

Kandungan, struktur dan alokasi kitab ini ialah dua bahagian yang membentuk bab di dalam kitab iaitu mukaddimah dan 15 bab dalam kitab *at-Tanbih wa al-Radd ‘ala Ahl al-Ahwa’ wa al-Bida’*. **Mukaddimah** kitab *at-Tanbih wa al-Radd ‘ala Ahl al-Ahwa’ wa al-Bida’* membuka pengenalan terhadap kandungan. Bab ini membicarakan mengenai perbezaan pendapat di kalangan ulama dan memberikan penjelasan berkenaan kewajiban taat kepada dua khalifah utama dalam Islam. Mukaddimah terdiri daripada 4 fasal yang akan menyentuh tentang sejarah Islam termasuk kisah baiat Rasulullah SAW dan perjalanan Rasulullah SAW ke Hudaibiyah (Al-Kawthari 2014: 1-26).

Topik yang dibincangkan dalam **bab 1** ialah berkenaan dengan usul Sunnah yang tsabit daripada Muhammad bin ‘Akasyah al-Kirmani (249H) dan disepakati oleh para ulama dan ahli fiqh. Antara usul Sunnah yang disebutkan adalah redha dengan takdir Allah, penyerahan kepada perintah Allah, sabar terhadap hukum Allah, melaksanakan perintah Allah, menjauhi larangan Allah, ikhlas dalam beramal karena

Allah, beriman terhadap qada dan qadar, meninggalkan perselisihan, perdebatan, dan pertikaian dalam agama, mengusap atas dua kaki dalam wudhu, berjihad bersama umat muslim, mendoakan jenazah dari kalangan umat muslim adalah sunnah, iman bertambah dan berkurang, itu adalah perkataan dan tindakan, Al-Quran adalah kalam Allah, bersabar di bawah bendera penguasa atas keadilan atau ketidakadilan yang mereka lakukan, tidak boleh memberontak terhadap penguasa dengan pedang walaupun mereka zalim, tidak seorang pun dari *Ahl Tawhid* akan masuk surga atau neraka dengan dosa meskipun mereka mengerjakan dosa besar, menghindari menghujat para sahabat Muhammad adalah lebih baik, dan orang-orang terbaik setelah Rasulullah SAW adalah Abu Bakar, kemudian 'Umar, kemudian Utsman, kemudian Ali (Al-Kawthari 2014: 27).

Bab 2 membicarakan tentang Muhammad bin 'Akasyah (249H) menyampaikan pengalamannya melihat Nabi dalam mimpi pada waktu malam. Muhammad bin Akasyah Rahimahullah, berkata: "*Aku diberitahu oleh Muawiyah bin Hammad al-Kirmani dari Az-Zuhri. Dia berkata: Barangsiapa mandi pada malam Jumaat dan mengerjakan dua rakaat solat dengan membaca dalam keduanya surah al-Ikhlash ayat satu sebanyak seribu kali, dia akan melihat Nabi dalam mimpinya*" (Al-Kawthari 2014: 28-29).

قُلْ هُوَ اللَّهُ أَحَدٌ

Terjemahan: Katakanlah (Muhammad), "Dialah Allah, Yang Maha Esa."

(Al-Ikhlash, 112:1)

Al-Kawthari (2014: 29-49) di dalam **bab 3** membicarakan mengenai golongan *Rawafid* yang terdiri daripada lapan belas kelompok yang dikenali sebagai *al-Imamiyah*. Golongan itu dikenali sebagai golongan *Saba'iyah*, *al-Qaramitah*, *al-Karamiah*, golongan *al-Hululiyah*, *al-Mukhtariyah*, *al-Samaniyah*, *al-Jarudiyah*, *al-Imamiyah al-Hasyimiah*, *al-Imamiyah al-Isma'iliyah*, *al-Imamiyah Ahl Qum*, *al-Ja'fariyah*, golongan keenam belas *al-Qat'iyah*, dan *al-Zaidiyah*. Kemudian terdapat penjelasan empat golongan takfir *al-Zaidiyah* dan pernyataan Ja'far bin Miskar, Ja'far bin Harb, dan Muhammad bin 'Abdullah Al-Iskafi. Fasal yang terakhir membicarakan tentang golongan yang menentang ahl Qiblah iaitu *Mu'tazilah*. Bab ini juga menceritakan pegangan *Mu'tazilah* terhadap usul lima *Mu'tazilah* yang terdiri daripada Tauhid, 'Adl, Wa'id, Manzilah bainal Manzilatain, dan 'Amar Makruf Nahi Mungkar serta perbincangan mengenai pengkafiran *Mu'tazilah Baghdad* terhadap *Mu'tazilah Basrah*.

Bab 4 membicarakan tentang pandangan golongan *al-Murji'ah* yang menganggap iman sebagai keyakinan dalam hati tanpa kaitan dengan perbuatan. Golongan ini memisahkan iman daripada amal dan percaya bahawa iman tidak menjejaskan status seseorang sebagai mukmin atau kafir. Antara pandangan golongan ini menyatakan bahawa seseorang yang mati, walaupun melakukan dosa besar seperti berzina, mencuri, membunuh, meminum arak, dan menghina wanita terhormat, tetap akan masuk syurga jika dia beriman di dalam hatinya dan bertaubat sebelum kematiannya. Mereka juga berpendapat bahawa iman tidak berubah dan tidak bertambah atau berkurang. Pengikut kelompok *al-Murji'ah* menggunakan ayat al-Quran untuk

menunjukkan bahwa Allah tidak mengampuni dosa syirik, tetapi Dia boleh mengampuni dosa-dosa lain mengikut kehendak-Nya;

إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ ۗ وَمَنْ يُشْرِكْ بِاللَّهِ فَقَدْ افْتَرَىٰ إِثْمًا عَظِيمًا

Terjemahan: Sesungguhnya Allah tidak akan mengampuni (dosa) karena mempersekutukan-Nya (syirik), dan Dia mengampuni apa (dosa) yang selain (syirik) itu bagi siapa yang Dia kehendaki. Barangsiapa mempersekutukan Allah, maka sungguh, dia telah berbuat dosa yang besar.

(an-Nisa, 4:48)

Pendekatan ini kemudiannya dikritik oleh ulama yang menyatakan golongan ini memisahkan iman dengan amal dan mengabaikan kepentingan hubungan antara iman dan amal. Ulama menghendaki mereka memberikan definisi akidah yang jelas dan mengakui bahawa iman itu melibatkan kepercayaan dalam hati dan tindakan yang sewajarnya (Al-Kawthari 2014: 49-52).

Bab 5 membincangkan tentang golongan *al-Khawarij* dan alirannya. Antara golongan pertama yang muncul pada zaman awal Islam dan terkenal dengan pandangan ekstrem dan pendirian yang keras dalam isu politik dan keadilan adalah golongan *al-Muhkamah* dan *asy-Syurath*. Mereka mempunyai pandangan yang melampau mengenai penilaian (takfir) pemimpin yang dianggap tidak mengikut piawai keadilan Islam. Selain itu, bab ini membincangkan berkaitan dengan kelompok *al-Azariqah* dan *al-'Umariyyah*. Kelompok ini cenderung menggunakan kekerasan dan revolusi untuk mencapai matlamat mereka. Fasal ketiga ialah golongan *ash-Syabiyyah* yang juga mempunyai pandangan yang radikal dan ekstrem dalam menilai kesesatan dan kekufuran. Fasal keempat membicarakan tentang *an-Najdiyyah* yang berpandangan ekstrem terhadap takfir dan penolakan kompromi dalam hal politik. Fasal kelima menjelaskan tentang *al-Ibadiyyah*. Golongan ini dikenali sebagai golongan Khawarij yang lebih moderat, tetapi masih mempunyai pandangan yang kuat terhadap pemimpin yang dianggap zalim. Fasal keenam *asy-Sufriyyah*, dikenal sebagai pengikut al-Muhallab bin Abi Sufrah. Mereka bersekutu dengan Yazid bin Muhallab dan berperang melawan *al-Hajjaj*. Fasal tujuh menceritakan tentang *al-Haruriyyah*, kelompok yang ekstrem mengkafirkan umat Islam. Mereka menghalalkan harta dan zina, dan hanya mengambil pengajaran dari Al-Qur'an tanpa mengakui sunnah. Fasal kelapan membincangkan kelompok *al-Hamziyyah*, mempunyai fahaman melampau dan sikap yang sama seperti kelompok *al-Haruriyyah* namun tidak mengambil harta melainkan dengan cara membunuh. Kemudian, kelompok *as-Solidiyyah* menolak kompromi dalam agama dan politik serta memiliki pandangan keras terhadap penguasa yang dianggap tidak adil. Fasal kesepuluh menjelaskan kelompok *ash-Shurath*, kelompok ini tidak mengambil harta dan mencela wanita. Kelompok kesebelas *as-Salitiyyah* dan kelompok kedua belas *as-Sulatiyyah* yang dipimpin oleh Sulat bin 'Utsman (Al-Kawthari 2014: 52-58).

Bab 6 membincangkan tentang golongan *zindiq* yang meragukan Al-Quran sehingga mereka mendakwa bahawa sesetengah ayat bertentangan dengan yang lain

dalam penjelasan ayat yang serupa atau *mutasyabih al-Quran* (Al-Kawthari 2014: 58-64). **Bab 7** menjelaskan tentang perbezaan kedudukan dalam ayat-ayat al-Quran. Sebagai contoh, penjelasan ayat pada surah al-Ghafir ayat 46 dan surah an-Nisa ayat 145:

النَّارُ يُعْرَضُونَ عَلَيْهَا غُدُوًّا وَعَشِيًّا وَيَوْمَ تَقُومُ السَّاعَةُ أَدْخِلُوا آلَ فِرْعَوْنَ أَشَدَّ الْعَذَابِ

Terjemahan: “Kepada mereka diperlihatkan neraka, pada pagi dan petang, dan pada hari terjadinya Kiamat. (Lalu kepada malaikat diperintahkan), “Masukkanlah Fir’aun dan kaumnya ke dalam azab yang sangat keras!”

(al-Ghafir, 40:46)

إِنَّ الْمُنَافِقِينَ فِي الدَّرَكِ الْأَسْفَلِ مِنَ النَّارِ وَلَنْ تَجِدَهُمْ صَابِرِينَ

Terjemahan: “Sungguh, orang-orang munafik itu (ditempatkan) pada tingkatan yang paling bawah dari neraka. Dan kamu tidak akan mendapat seorang penolong pun bagi mereka”.

(an-Nisa, 4:145)

Walaupun tafsir ini terlihat bertentangan satu sama lain, sebenarnya ia tidak bertentangan, tetapi penjelasannya adalah mengenai kedudukan yang berbeza dalam konteks yang berlainan. Di dalam dalam kitab ini terdapat lagi ayat-ayat telah ditafsirkan (Al-Kawthari 2014: 64-67).

Bab 8 membincangkan persamaan kalimat di dalam al-Quran. Sebagai contoh, persamaan kalimat pada surah Asy-Syu'ara ayat 124, surah Taha ayat 46, surah Qaf ayat 43, dan surah al-Qiyamah (Al-Kawthari 2014: 67-69). **Bab 9** membincangkan tentang persamaan dalam penyusunan perkataan di dalam al-Quran sebagai contoh pada surah Hud ayat 7 dan al'A'raf ayat 54. Selain itu, Muqatil bin Sulayman menguraikan susunan kalimat yang tidak jelas dengan mengemukakan pandangannya (Al-Kawthari 2014: 69-79).

Al-Kawthari (2014: 79-85) membincangkan dalam **bab 10** tentang penjelasan pentingnya nasihat dalam agama berdasarkan pendapat Abu al-A'liyah al-Riyahi (93H). Antara topik yang menyentuh kepada fasal ini adalah penjelasan Hudzaifah dan riwayat 'Urwah bin Sariyah mengenai nasihat Rasulullah SAW, penjelasan 'Umar bin Khattab melarang bergaul dengan penentang qadar, penjelasan doa Nabi Muhammad SAW kepada keluarga Yasir serta penjelasan kemenangan kabilah Thaqif, dan pendapat Hasan mengenai dua orang masuk syurga dan satu masuk neraka hanya kerana seekor lalat.

Bab 11 membincangkan tentang kelompok-kelompok lain dalam *firqah al-Islamiyyah*. Antaranya adalah kelompok *al-Mu'attilah*, *al-Ma'nawiyah*, *al-Mazdakiyah*, *al-Abdakiyah*, *ar-Ruhaniyah*. Bab ini juga memberi penjelasan mengenai isu-isu yang menjadi perdebatan dalam dunia Islam seperti penjelasan sebahagian golongan *ar-Ruhaniyah* tentang meninggalkan dunia untuk agama, penjelasan kelompok *al-Jahmiyyah* tentang penciptaan Al-Quran, penjelasan kelompok *al-Jahmiyyah* terhadap

al-Mizan, as-Sirat, dan al-Kiram, penjelasan kelompok *al-Jahmiyyah* terhadap *A'razy Allah*, penjelasan kelompok *al-Jahmiyyah* terhadap *Kursi Allah*, penjelasan Abu A'sim bahawa Allah SWT berada di langit dan bukan di bumi, penjelasan menolak pendapat golongan *al-Jahmiyyah* terhadap as-Sirat dan al-Mizan, penjelasan tangisan A'isyah RA apabila membayangkan neraka, penjelasan penolakan *al-Jahmiyyah* terhadap malaikat yang menulis amal manusia dan balasannya, penjelasan penolakan *al-Jahmiyyah* bahawa Allah SWT mempunyai al-Hijabah, penjelasan pandangan kelompok *al-Jahmiyyah* yang menolak turunnya Allah SWT, penjelasan Ibn 'Umar tentang pertemuan orang mukmin dengan Tuhan pada Hari Kiamat, penjelasan pandangan kelompok *al-Jahmiyyah* tentang melihat Allah SWT, penjelasan menolak pandangan golongan *al-Jahmiyyah* yang mendakwa Allah mempunyai wajah, pendengaran dan penglihatan, menolak Malaikat Maut mencabut nyawa, penjelasan ucapan Ibnu 'Abbas bahawa dunia diatur oleh empat Malaikat, penjelasan menolak pandangan kelompok *al-Jahmiyyah* tentang siksa kubur dan soalan oleh Munkar dan Nakir, penjelasan ucapan Nabi Muhammad SAW, penjelasan penolakan oleh kelompok *al-Jahmiyyah* terhadap konsep Allah berbicara, penjelasan penolakan oleh kelompok *al-Jahmiyyah* terhadap konsep bahawa Al-Quran adalah makhluk, Penjelasan perkataan 'جعل' yang terkandung di dalam Al-Quran, penjelasan penolakan kelompok *al-Jahmiyyah* terhadap Allah berbicara kepada Musa AS, penjelasan penolakan kelompok *al-Jahmiyyah* terhadap konsep *istawa* dan *syafa'at*, penjelasan penolakan kelompok *al-Jahmiyyah* terhadap Allah memiliki tangan, penjelasan Ibnu 'Abbas tentang penamaan Adam AS dan penjelasan doa Nabi Muhammad SAW menggunakan kalimat "Ya Muqallib al-Qulub" (Al-Kawthari 2014: 85-125).

Bab 12 membincangkan penjelasan tentang kelompok *al-Murji'ah*, penjelasan pernyataan kelompok *al-Murji'ah* tentang kesaksian masuk syurga, penjelasan Nabi tentang perbezaan antara seorang hamba dan kafir, penjelasan Ibnu 'Umar ketika ditanya mengapa dia tidak berjihad, penjelasan kelompok *al-Murji'ah* tentang iman, penjelasan kelompok *al-Murji'ah* tentang Kitab al-Nubuwwah ila Ahl al-Yaman, penjelasan pendapat kelompok *al-Murji'ah* tentang turunnya wahyu, penjelasan kisah Harits bin Malik, penjelasan kelompok *al-Murji'ah* mendakwa iman mereka setara dengan iman Jibril, Mikail, dan para Malaikat, penjelasan kelompok *al-Murji'ah* tentang melakukan dosa besar dan maksiat tidak merosakkan iman, penjelasan kelompok *al-Murji'ah* tentang iman mereka setara dengan iman penghuni Syurga, penjelasan kelompok *al-Murji'ah* tentang ketetapan iman, penjelasan kelompok *al-Murji'ah* tentang bertambah iman dengan bertambahnya amal dan tidak berkurang dengan meninggalkan yang wajib dan penjelasan kelompok *al-Murji'ah* tentang tidak ada munafik dalam umat ini (Al-Kawthari 2014:125-133).

Bab 13 membincangkan tentang kelompok *al-Rawafid*, jenis dan mazhab mereka. Bab ini turut memberikan penjelasan mengenai beberapa penjelasan mengenai Ali bin Abi Talib, antaranya adalah penjelasan tentang Ali bin Abi Talib adalah Allah, penjelasan tentang Ali bin Abi Talib memiliki pengetahuan ghaib, penjelasan tentang Ali bin Abi Talib adalah rasul yang Jibril salah memberikan pesan kepada Nabi Muhammad SAW, penjelasan tentang Ali bin Abi Talib adalah sekutu Nabi dan memiliki sedikit nubuwah, penjelasan tentang Ali bin Abi Talib ada di atas awan dan tidak mati,

penjelasan tentang Ali bin Abi Talib memiliki pengetahuan yang tidak dimiliki oleh Rasulullah SAW. Selain itu, bab ini juga memberikan penjelasan lain seperti penjelasan *al-Mukhtariyyah* bahawa Ali adalah imam, penjelasan *al-Mughirah* tentang siapa yang menzalimi dirinya sendiri dari keluarga Ali, tidak akan dihisab dan tidak mendapat siksaan, penjelasan *al-Khatabiyah* bahawa Abu Bakar dan ‘Umar adalah al-Jabut dan al-Thaghut, penjelasan kelompok *al-Rafidhah* tentang pernikahan sementara (*mut’ah*) dan perkahwinan tanpa wali, saksi, atau mahar adalah halal dan penjelasan tentang Ali bin Abi Talib adalah yang terbaik di antara semua manusia (Al-Kawthari 2014:133-141).

Bab 14 membincangkan tentang kelompok *al-Qadariyyah*. Antara perkara yang dibincangkan adalah mengenai penjelasan tentang "*Kebaikan dan kebajikan berasal dari Allah, sementara keburukan berasal dari diri sendiri*", penjelasan tentang kelompok *al-Mufawwidah*, penjelasan tentang "*Allah Yang Maha Mulia dan Maha Agung memberikan kepada mereka kemampuan, sehingga mereka dapat beriman, kufur, berdiri, dan duduk*", Penjelasan tentang kelompok *al-Shabibiyyah*, penjelasan kelompok *al-Qadariyyah* tentang anak zina dan penjelasan kelompok *al-Qadariyyah* tentang rezeki (Al-Kawthari 2014:141-150).

Bab 15 membicarakan tentang kelompok *al-Haruriyyah*. Terdapat beberapa kelompok yang menjadi golongan al-Haruriyyah, antaranya adalah kelompok *al-Azariyah*, *al-Safriyah*, *al-Ibadiyah*, *al-Najdiyah*, *al-Syamrakiyah*, *al-Siriyyah*, *al-Azariyyah*, *al-Ajardiyyah*, *at-Taghlibiyah*, *al-Shakiyyah*, *al-Fadliyyah*, *al-Tajraniyyah*, *al-Buhasiyah*, *al-Fudaykiyyah*, dan *al-Jadiyyah*. Bab ini juga memberikan penjelasan tentang buku dari ‘Umar bin Abdul Aziz (Al-Kawthari 2014:150-155). Kandungan kitab *at-Tanbih wa al-Radd ‘ala ahl al-Ahwa’ wa al-Bida’* adalah sepertimana jadual 1.

Jadual 1 Kandungan, struktur dan alokasi kitab *at-Tanbih wa al-Radd ‘ala Ahl al-Ahwa’ wa al-Bida’* karya Abu Husayn al-Malti

Kandungan kitab *al-Tanbih wa al-Radd ‘ala Ahl al-Ahwa’ wa al-Bida’* (2014)

Mukaddimah	Pengenalan kitab <i>al-Tanbih wa al-Radd ‘ala Ahl al-Ahwa’ wa al-Bida’</i>
M.1	Fasal 1: Penjelasan dalil perbezaan di kalangan ulama, dalil kewajiban taat kepada dua khalifah,
M.2	Fasal 2: Penjelasan dalil dan baiat Rasulullah SAW.
M.3	Fasal 3: Penjelasan kisah Perjalanan Rasulullah SAW ke Hudaibiyah
M.4	Fasal 4: Penjelasan kisah Abu Bisir.
Bab 1	Penjelasan tentang Sunnah.
Bab 2	Penjelasan tentang orang yang ingin melihat Nabi dalam mimpi.
2.1	Fasal 1: Gambaran Muhammad bin ‘Akasyah tentang penglihatannya tentang Nabi di Malam Hari.
Bab 3	Penjelasan tentang kelompok <i>al-Rawafid</i>.
3.1	Fasal 1: Penjelasan golongan <i>Ghaliyah Saba’iyyah</i> dan golongan kedua <i>Saba’iyyah</i> .
3.2	Fasal 2: Penjelasan golongan ketiga dari <i>Saba’iyyah</i> , golongan keempat dari <i>Saba’iyyah</i> , golongan kelima: <i>al-Qaramitah</i> .

- 3.3 Fasal 3: Penganut *al-Tanasukh* dan penjelasan terkeluarnya daripada kelompok umat.
- 3.4 Fasal 4: Penjelasan golongan keenam *al-Tanasukh al-Hululiyah*, golongan ketujuh dari *al-Hululiyah*, golongan kelapan dari *al-Hululiyah*, golongan kesembilan: *al-Mukhtariyah*
- 3.5 Fasal 5: Penjelasan golongan kesepuluh *al-Samaniyah*, golongan kesebelas *al-Jarudiyah*
- 3.6 Fasal 6: Penjelasan golongan kedua belas daripada *al-Imamiyah: al-Hasyimiyah*
- 3.7 Fasal 7: Penjelasan golongan ketiga belas daripada *al-Imamiyah: al-Isma'iliyyah*
- 3.8 Fasal 8: Penjelasan golongan keempat belas daripada *al-Imamiyah: Ahl Qum*
- 3.9 Fasal 9: Penjelasan golongan kelima belas *al-Ja'fariyyah*, golongan keenam belas *al-Qat'iyyah al-'Uzma*
- 3.10 Fasal 10: Penjelasan golongan ketujuh belas *al-Qat'iyyah al-Quswa*
- 3.11 Fasal 11: Penjelasan golongan kelapan belas *al-Zaidiyah*.
- 3.12 Fasal 12: Penjelasan empat golongan *takfir al-Zaidiyah*.
- 3.13 Fasal 13: Pernyataan Ja'far bin Miskar, Ja'far bin Harb, dan Muhammad bin 'Abdullah Al-Iskafi.
- 3.14 Fasal 14 : Penjelasan Ahl Qiblat, *al-Mu'tazilah*.
- Bab 4** **Penjelasan tentang akidah kelompok al-Murji'ah.**
- 4.1 Fasal 1: Penjelasan mengenai fardhu-fardhu yang diperintahkan oleh Allah.
- Bab 5** **Penjelasan tentang kelompok al-Khawarij.**
- 5.1 Fasal 1: Penjelasan tentang golongan *Khawarij: Al-Muhkamah, Asy-Syurath*
- 5.2 Fasal 2: Penjelasan golongan kedua: *Al-Azariqah, Al-'Umariyyah*.
- 5.3 Fasal 3: Penjelasan golongan ketiga: *Ash-Shabiyyah*
- 5.4 Fasal 4 : Penjelasan golongan keempat: *An-Najdiyyah*.
- 5.5 Fasal 5: Penjelasan golongan yang kelima: *Al-Ibadiyyah*.
- 5.6 Fasal 6: Penjelasan golongan keenam: *Asy-Sofariyyah*.
- 5.7 Fasal 7: Penjelasan golongan ketujuh: *Al-Haruriyyah*.
- 5.8 Fasal 8: Penjelasan golongan kelapan: *Al-Hamziyyah*.
- 5.9 Fasal 9: Penjelasan golongan kesembilan: *As-Solidiyyah*
- 5.10 Fasal 10: Penjelasan golongan kesepuluh: *Asy-Shurath*
- 5.11 Fasal 11: Penjelasan golongan kesebelas: *As-Salitiyyah*
- 5.12 Fasal 12: Penjelasan golongan keduabelas: *As-Sulatiyyah*
- Bab 6** **Penjelasan tentang Mutasyabih al-Quran**
- 6.1 Fasal 1: Penjelasan terhadap ayat al-Quran yang tidak bertentangan yang dianggap bertentangan oleh orang murtad.
- Bab 7** **Penjelasan perbezaan kedudukan dalam ayat-ayat Al-Quran.**
- Bab 8** **Penjelasan persamaan kalimat dalam ayat al-Quran**
- Bab 9** **Penjelasan susunan kalimat yang tidak jelas dalam ayat Al-Quran.**
- 9.1 Fasal 1: Karya Muqatil bin Sulayman dalam Tafsir
- 9.2 Fasal 2: Penjelasan perkataan dalam al-Quran yang mempunyai makna yang sama dalam situasi yang berbeza.
- 9.3 Fasal 3: Penjelasan tafsir ayat yang hampir kepada pengecualian.

- 9.4 Fasal 4: Penjelasan tabi'in bahawa Iblis makhluk pertama menggunakan kaedah qiyas.
- Bab 10 Penjelasan tentang jemaah dan nasihat dalam agama, pendapat Abu al-'Aliyah al-Riyahi.**
- 10.1 Fasal 1: Penjelasan Hudzaifah dan riwayat 'Urwah bin Sariyah mengenai nasihat Rasulullah,
- 10.2 Fasal 2: Penjelasan 'Umar bin Khatṭab melarang bergaul dengan penentang qadar.
- 10.3 Fasal 3: Penjelasan Doa Nabi Muhammad SAW kepada keluarga Yasir.
- 10.4 Fasal 4: Penjelasan kemenangan kabilah Thaqif, dan pendapat Hasan mengenai dua orang masuk syurga dan satu masuk neraka hanya kerana seekor lalat.
- Bab 11 Penjelasan mengenai kelompok-kelompok lain.**
- 11.1 Fasal 1: Kelompok *al-Mu'attilah*
- 11.2 Fasal 2: Kelompok *al-Ma'nawiyah*
- 11.3 Fasal 3: Kelompok *al-Mazdakiyah*
- 11.4 Fasal 4: Kelompok *al-A'bdakiyah*
- 11.5 Fasal 5: Kelompok *ar-Ruhaniyah*
- 11.6 Fasal 6: Penjelasan sebahagian golongan *ar-Ruhaniyah* tentang meninggalkan dunia untuk agama.
- 11.7 Fasal 7: Penjelasan kelompok *al-Jahmiyyah* tentang penciptaan Al-Quran.
- 11.8 Fasal 8: Penjelasan kelompok *al-Jahmiyyah* terhadap *al-Mizan*, *as-Sirat*, dan *al-Kiram*.
- 11.9 Fasal 9: Penjelasan kelompok *al-Jahmiyyah* terhadap *A'rasy Allah*.
- 11.10 Fasal 10: Penjelasan kelompok *al-Jahmiyyah* terhadap *Kursi Allah*.
- 11.11 Fasal 11: Penjelasan Abu Asim bahawa Allah SWT berada di langit dan bukan di bumi,
- 11.12 Fasal 12: Penjelasan menolak pendapat golongan *al-Jahmiyyah* terhadap *as-Sirat dan al-Mizan*
- 11.13 Fasal 13: Penjelasan tanggisan 'Aisyah RA apabila membayangkan neraka.
- 11.14 Fasal 14: Penjelasan penolakan *al-Jahmiyyah* terhadap malaikat yang menulis amal manusia dan balasannya.
- 11.15 Fasal 15: Penjelasan penolakan *al-Jahmiyyah* bahawa Allah SWT mempunyai *al-Hijabah*
- 11.16 Fasal 16: Penjelasan pandangan kelompok *al-Jahmiyyah* yang menolak turunya Allah SWT.
- 11.17 Fasal 17: Penjelasan Ibn Umar tentang pertemuan orang mukmin dengan Tuhan pada Hari Kiamat.
- 11.18 Fasal 18: Penjelasan pandangan kelompok *al-Jahmiyyah* tentang melihat Allah SWT.
- 11.19 Fasal 19: Penjelasan menolak pandangan golongan *al-Jahmiyyah* yang mendakwa Allah mempunyai wajah, pendengaran dan penglihatan, menolak Malaikat Maut mencabut nyawa.
- 11.20 Fasal 20: Penjelasan ucapan Ibnu 'Abbas bahawa dunia diatur oleh empat Malaikat,

- 11.21 Fasal 21: Penjelasan menolak pandangan kelompok *al-Jahmiyyah* tentang siksa kubur dan soalan oleh Munkar dan Nakir.
- 11.22 Fasal 22 : Penjelasan ucapan Nabi Muḥammad SAW.
- 11.23 Fasal 23: Penjelasan penolakan oleh kelompok *al-Jahmiyyah* terhadap konsep Allah berbicara
- 11.24 Fasal 24 : Penjelasan penolakan oleh kelompok *al-Jahmiyyah* terhadap konsep bahawa Al-Quran adalah makhluk
- 11.25 Fasal 25: Penjelasan perkataan “جعل” yang terkandung di dalam Al-Quran.
- 11.26 Fasal 26: Penjelasan penolakan kelompok *al-Jahmiyyah* terhadap Allah berbicara kepada Musa AS.
- 11.27 Fasal 27: Penjelasan penolakan kelompok *al-Jahmiyyah* terhadap konsep *istawa* dan *syafa’at*,
- 11.28 Fasal 28: Penjelasan penolakan kelompok *al-Jahmiyyah* terhadap Allah memiliki tangan.
- 11.29 Fasal 29: Penjelasan Ibnu ‘Abbas tentang penamaan Adam AS.
- 11.30 Fasal 30: Penjelasan doa Nabi Muḥammad SAW menggunakan kalimat “Ya Muqallib al-Qulub” (Wahai Yang Membolak-balikkan Hati).
- 11.31 Fasal 31: Penjelasan kegembiraan Allah SWT atas taubat hamba-Nya.
- 11.32 Fasal 32: Penjelasan penolakan *al-Jahmiyyah* terhadap penciptaan Syurga dan Neraka.
- 11.33 Fasal 33: Penjelasan keutamaan sedekah dan hadis-hadis Nabi tentang penciptaan Adam.
- 11.34 Fasal 34: Penjelasan Rasulullah tentang isi langit dan bumi.
- 11.35 Fasal 35: Penjelasan iman dan qadar dan kisah pembinaan Syurga.
- 11.36 Fasal 36: Penjelasan *al-Jahmiyyah* bahawa syurga dan neraka akan binasa.
- 11.37 Fasal 37: Penjelasan ‘Umar bin Khaṭṭab tentang angin
- 11.38 Fasal 38: Penjelasan ulama tentang *Irja’* adalah bid’ah.
- Bab 12 Penjelasan tentang kelompok *al-Murji’ah*.**
- 12.1 Fasal 1: Penjelasan pernyataan kelompok *al-Murji’ah* tentang kesaksian masuk syurga.
- 12.2 Fasal 2: Penjelasan Nabi tentang perbezaan antara seorang hamba dan kafir.
- 12.3 Fasal 3: Penjelasan Ibnu ‘Umar ketika ditanya mengapa dia tidak berjihad.
- 12.4 Fasal 4: Penjelasan kelompok *al-Murji’ah* tentang iman.
- 12.5 Fasal 5: Penjelasan kelompok *al-Murji’ah* tentang Kitab al-Nubuwwah ila Ahl al-Yaman.
- 12.6 Fasal 6: Penjelasan pendapat kelompok *al-Murji’ah* tentang turunnya wahyu.
- 12.7 Fasal 7: Penjelasan kisah Harits bin Malik.
- 12.8 Fasal 8: Penjelasan kelompok *al-Murji’ah* mendakwa iman mereka setara dengan iman Jibril, Mika’il, dan para Malaikat.
- 12.9 Fasal 9: Penjelasan kelompok *al-Murji’ah* tentang melakukan dosa besar dan maksiat tidak merosakkan iman.

- 12.10 Fasal 10: Penjelasan kelompok *al-Murji'ah* tentang iman mereka setara dengan iman penghuni Syurga.
- 12.11 Fasal 11: Penjelasan kelompok *al-Murji'ah* tentang ketetapan iman.
- 12.12 Fasal 12: Penjelasan kelompok *al-Murji'ah* tentang bertambah iman dengan bertambahnya amal dan tidak berkurang dengan meninggalkan yang wajib.
- 12.13 Fasal 13: Penjelasan kelompok *al-Murji'ah* tentang tidak ada munafik dalam umat ini.
- Bab 13 Penjelasan tentang kelompok *al-Rawafid*, jenis dan mazhab mereka**
- 13.1 Fasal 1: Penjelasan tentang Ali bin Abi Talib adalah Allah.
- 13.2 Fasal 2: Penjelasan tentang Ali bin Abi Talib memiliki pengetahuan ghaib.
- 13.3 Fasal 3: Penjelasan tentang Ali bin Abi Talib adalah rasul yang Jibril salah memberikan pesan kepada Nabi Muhammad SAW.
- 13.4 Fasal 4: Penjelasan tentang Ali bin Abi Talib adalah sekutu Nabi dan memiliki sedikit nubuwah
- 13.5 Fasal 5: Penjelasan tentang Ali bin Abi Talib ada di atas awan dan tidak mati.
- 13.6 Fasal 6: Penjelasan tentang Ali bin Abi Talib memiliki pengetahuan yang tidak dimiliki oleh Rasulullah SAW.
- 13.7 Fasal 7: Penjelasan *al-Mukhtariyyah* bahawa Ali adalah imam.
- 13.8 Fasal 8: Penjelasan *al-Mughirah* tentang siapa yang menzalimi dirinya sendiri dari keluarga Ali, tidak akan dihisab dan tidak mendapat siksaan.
- 13.9 Fasal 9: Penjelasan *al-Khatabiyah* bahawa Abu Bakar dan 'Umar adalah al-Jabut dan al-Thaghut.
- 13.10 Fasal 10: Penjelasan kelompok *al-Rafidhah* tentang pernikahan sementara (*mut'ah*) dan perkahwinan tanpa wali, saksi, atau mahar adalah halal.
- 13.11 Fasal 11: Penjelasan tentang Ali bin Abi Talib adalah yang terbaik di antara semua manusia.
- Bab 14 Penjelasan tentang kelompok *al-Qadariyyah*.**
- 14.1 Fasal 1: Penjelasan tentang "Kebaikan dan kebajikan berasal dari Allah, sementara keburukan berasal dari diri sendiri."
- 14.2 Fasal 2: Penjelasan tentang kelompok *al-Mufawwidah*.
- 14.3 Fasal 3: Penjelasan tentang "Allah Yang Maha Mulia dan Maha Agung memberikan kepada mereka kemampuan, sehingga mereka dapat beriman, kufur, berdiri, dan duduk".
- 14.4 Fasal 4: Penjelasan tentang kelompok *al-Shabibiyyah*.
- 14.5 Fasal 5: Penjelasan kelompok *al-Qadariyyah* tentang anak zina.
- 14.6 Fasal 6: Penjelasan kelompok *al-Qadariyyah* tentang rezeki.
- Bab 15 Penjelasan tentang kelompok *al-Haruriyyah*.**
- 15.1 Fasal 1: Penjelasan tentang kelompok *al-Azariqah*.
- 15.2 Fasal 2: Penjelasan tentang *al-Safriyyah*.
- 15.3 Fasal 3: Penjelasan tentang *al-Ibadhiyyah*,
- 15.4 Fasal 4: Penjelasan tentang *al-Najdiyyah*,
- 15.5 Fasal 5: Penjelasan tentang *al-Shamrakiyyah*,
- 15.6 Fasal 6: Penjelasan tentang *as-Siriyyah*,

15.7	Fasal 7:Penjelasan tentang <i>al-Azariyah</i> ,
15.8	Fasal 8:Penjelasan tentang <i>al-Ajardiyah</i> ,
15.9	Fasal 9:Penjelasan tentang <i>at-Taghlibiyah</i> ,
15.10	Fasal 10:Penjelasan tentang <i>as-Shakiyah</i> ,
15.11	Fasal 11:Penjelasan tentang <i>al-Fadliyah</i> ,
15.12	Fasal 12:Penjelasan tentang <i>al-Tajraniyah</i> ,
15.13	Fasal 13:Penjelasan tentang <i>al-Buhasiyah</i> ,
15.14	Fasal 14:Penjelasan tentang <i>al-Fudaykiyah</i> ,
15.15	Fasal 15:Penjelasan tentang <i>al-Ja'diyah</i>
15.16	Fasal 16: Penjelasan tentang buku dari 'Umar bin Abdul Aziz

4.0 Analisis Perbandingan Kepelbagaian Aliran Pemikiran Islam dalam Kitab *At-Tanbih Wa Al-Radd 'Ala Ahl Al-Ahwa' Wa Al-Bida'* Dengan Kitab *Al-Milal Wa Al-Nihal*

Analisis perbandingan kepelbagaian aliran dalam kitab *at-Tanbih wa al-Radd 'ala Ahl al-Ahwa' wa al-Bida'* karya Abu Husayn al-Malti dengan kitab *al-Milal wa al-Nihal* karya Imam al-Shahrastani memberikan pandangan yang mendalam terhadap aliran pemikiran Islam. Kedua-dua tokoh ini menganalisis kepelbagaian aliran pemikiran yang timbul dalam kalangan umat Islam, namun mereka menggunakan pendekatan dan metodologi yang berbeza dalam memahami dan menjelaskan aliran pemikiran.

Kedua-dua kitab ini memfokuskan kepada pembahagian dan perincian kelompok dalam Islam yang timbul selepas kewafatan Nabi Muhammad SAW. Dalam kitab *at-Tanbih wa al Radd' ala al-Ahwa' wa al-Bida'*, Abu Husayn al-Malti memfokuskan pada penjelasan tentang pemikiran kelompok Islam yang dianggap ahli kibrat dan kelompok yang melakukan dosa besar. Fokus utamanya adalah mengenalpasti pemikiran dan isu-isu yang dibawa oleh kelompok aliran Islam (al-Kawthari 2007). Manakala, dalam kitab *al-Milal wa Nihal* yang dikarang oleh Imam al-Shahrastani lebih luas pendekatannya yang merangkumi bukan sahaja aliran pemikiran Islam tetapi agama-agama lain seperti Yahudi, Nasrani, Majusi, Thanawi, dan Hindu (al-Sharastani 1997). Al-Shahrastani menekankan perbandingan yang lebih besar dengan mendokumentasikan dan menganalisis semua aliran pemikiran, termasuk yang bukan Islam. Beliau meneliti pelbagai aspek dari sudut teologi, falsafah dan ideologi setiap kelompok.

Dari sudut metodologi, Abu Husayn al-Malti merujuk kepada Muhammad bin 'Akasyah al-Kirmani (249H) pada awal kitab, Abu al-Hassan Muqatil bin Sulayman bin Bashir al-Balkhi (150H) pada pertengahan kitab, dan Abu Khusyaisy bin Asyram al-A'swad Abi 'Asim an-Nasa'i (253H) di akhir kitab (al-Kawthari 2007:6-7). Manakala, al-Shahrastani menyatakan terdapat dua teknik yang digunakan bagi memaparkan perbincangan tentang agama dalam kitabnya *al-Milal wa al-Nihal* iaitu meletakkan persoalan yang dipegangi sebagai perkara pokok, kemudian membentangkan semua pandangan mazhab tentang persoalan tersebut dan meletakkan tokoh-tokoh dan perintis aliran sebagai perkara pokok, kemudian membentangkan mazhab mereka dalam beberapa persoalan (Faizal et.al 2015). Pendekatan yang digunakan oleh al-Shahrastani adalah perbandingan deskriptif. Walaupun beliau memecahkan agama kepada bahagian

sektor utama dan menyatakan pemikiran mereka, namun pemecahan tersebut tidak didatangi dengan kritikan atau memperjelaskan permasalahannya. Menurut Mahmud Ali Himayah (2001) dan Muhammad Azizan(2022), al-Sharastani tidak bersikap fanatik atau kritis dalam mengemukakan pandangan aliran-aliran.

Dalam at-Tanbih wa al-Radd ‘ala Ahl al-Ahwa’ wa al-Bida’, Abu Husayn al-Malti membincangkan golongan yang tidak disebutkan oleh ‘Abdul Qahir al-Baghdadi dan sejarahnya serta golongan aliran pemikiran Islam dengan nama-nama yang berbeza disebutkan di dalam kitab yang lain berdasarkan sumber-sumber yang tidak tersedia pada zaman itu (al-Kawthari 2007:3-4). Manakala, imam al-Shahrastani, sebaliknya tidak mengasingkan hanya satu kelompok sebagai kelompok yang benar. Beliau lebih fokus kepada memahami perbezaan teologi dan falsafah antara kelompok-kelompok ini, tanpa mengkritik mereka secara keterlaluan. Beliau juga mengambil pendekatan yang lebih sistematik dalam mengelaskan setiap aliran berdasarkan ciri-ciri utama yang membezakan mereka (al-Shahrastani 1997).

Perbandingan ini menunjukkan ciri-ciri pemikiran bahawa Abu Husayn al-Malti dan Al-Sharastani mengambil pendekatan yang selamat dalam mempertahankan akidah Ahli Sunnah wal Jamaah dengan menerangkan ciri-ciri dan isu yang dibahaskan menurut aliran-aliran pemikiran Islam. Abu Husayn al-Malti tidak mengkafirkan seseorang ahli tauhid sekalipun mereka melakukan dosa-dosa besar. Manakala, al-Shahrastani mengambil pendekatan yang selamat dengan tumpuan kepada perbandingan pemikiran secara sistematik dan deskriptif. Kedua-duanya memberikan sumbangan besar dalam memahami kepelbagaian pemikiran dalam Islam, namun dengan tujuan dan pendekatan yang berbeza. Perbandingan kepelbagaian aliran adalah seperti dalam jadual 2.

Jadual 2: Analisis Perbandingan kepelbagaian aliran dalam kitab at-Tanbih wa al Radd ‘ala Ahl Ahwa’ wa al-Bida’ dan kitab al-Milal wa al-Nihal

Aspek	Kitab at-Tanbih wa al-Radd ‘ala Ahl al-Ahwa’ wa al-Bida karya Abu Husayn al-Malti	Al-Milal wa al-Nihal karya Imam al- Shahrastani
Fokus Utama	Penjelasan tentang pemikiran kelompok Islam yang dianggap ahli kiblat.Fokus utamanya adalah mengenalpasti pemikiran yang dibawa oleh kelompok aliran Islam.	Menghuraikan aliran-aliran pemikiran Islam dan juga agama-agama lain seperti Yahudi,Nasrani, Majusi, Thanawi dan Hindu.
Metodologi	Merujuk kepada Muhammad bin ‘Akasyah al-Kirman (249H) pada awal kitab, Abu al-Hassan Muqatil bin Sulayman bin Bashir al-Balkhi (150H) pada pertengahan kitab, dan Abu Khusyaisy bin Asyram al-A’swad Abi ‘Asim an-Nasa’i (253H) di akhir kitab	Meletakkan persoalan yang dipegangi sebagai perkara pokok, kemudian membentangkan semua pandangan mazhab tentang persoalan tersebut dan meletakkan tokoh-tokoh dan perintis aliran sebagai perkara pokok, kemudian membentangkan mazhab mereka dalam beberapa persoalan

Skop perbincangan	Membincangkan golongan yang tidak disebutkan oleh 'Abdul Qahir al-Baghdadi dan sejarahnya serta golongan aliran pemikiran Islam dengan nama-nama yang berbeza disebutkan di dalam kitab yang lain berdasarkan sumber-sumber yang tidak tersedia pada zaman itu	Penjelasan lebih luas, termasuk perbincangan tentang agama-agama lain di luar Islam serta aliran falsafah dan teologi.
Ciri-Ciri pemikiran	Tidak mengkafirkan seseorang ahli tauhid sekalipun mereka melakukan dosa-dosa besar	Membuat klasifikasi terhadap semua kelompok, tanpa menegaskan hanya satu kelompok sebagai yang benar.

Kitab *at-Tanbih wa al-Radd 'ala Ahl al-Ahwa'* wa *al-Bida'* dan kitab *al-Milal wa al-Nihal* memperincikan kelompok yang dinisbahkan kepada Islam. Abu Husayn al-Malti menggabungkan kelompok *Zindiqah* yang terdiri dari lima kelompok iaitu *al-Mu'attilah*, *al-Maniyyah*, *al-Mazdakiyyah*, *al-'Abdakiyyah*, dan kelompok *al-Ruhaniyyah*. Selain itu, Abu Husayn al-Malti menyebutkan *Jahmiyyah* dengan 8 kelompok, *Qadariyyah* dengan 7 kelompok, *Murji'ah* dibahagikan dengan 12 kelompok, kelompok *Rafidah* dibahagikan kepada 15 kelompok, dan *Khawarij* dengan 25 kelompok (Al-Kawthari 2014: 6). Kitab *at-Tanbih wa al-Radd 'ala Ahl al-Ahwa'* wa *al-Bida'* memperincikan 72 kelompok yang dikategorikan kepada sepuluh seperti jadual 3.

Jadual 3: Perincian 72 kelompok umat Islam menurut Abu Husayn al-Malti

72 Kelompok umat Islam menurut Abu Husayn al-Malti			
[i] Al-Rafidah (15)	[ii] Al-Jahmiyyah (8)	[iii] Al-Qadariyyah (7)	[iv] Al-Khawarij (25)
1. Al-Syibah	1. Al-Halaj	1. Qadariyyah I	1. Al-Muhkamah
2. Al-Bayyaniyyah	2. Al-Haswiyya	2. Al-Mufawwidah	2. Al-Syurath
3. Al-Jumhuriyyah	3. Al-Thahawiya	3. Al-Syabibiyyah	3. Al-Azariqah
4. Al-Hanafiyyah	4. Al-Mutawakkil	4. Qadariyyah II	4. Al-'Umariyyah
5. Al-Saba'iyyah	5. Al-Jabariyyah	5. Qadariyyah III	5. Ash-Shabiyyah
6. Al-Mansuriyyah	6. Al-Nuniyyah	6. Qadariyyah IV	6. An-Najdiyyah
7. Al-Mukhtariyyah	7. Al-Tasybiyyah	7. Qadariyyah V	7. Al-Ibadiyyah I
8. Al-Sairafiyyah	8. Al-Tajsimiyyah		8. Asy-Sofariyyah
9. Al-Mughiniyyah			9. Al-Haruriyyah
10. Al-Khattabiyyah	[v] Al-Mua'ttilah (1)	[vi] Al-Maniyyah (1)	10. Al-Hamziyyah
11. Al-Zaidiyyah			11. As-Solidiyyah
12. Al-Ja'fariyyah	[vii] Al-'Abdakiyyah (1)	[viii] Al-Ruhaniyyah (1)	12. Asy-Shurath
13. Al-Isma'iliyyah			13. Al-Safriyyah
14. Al-Imamiyyah	[ix] Al-Mazdakiyyah (1)		14. Al-Ibadiyyah II
15. Al-Jarudiyyah			15. Al-Shamrakiyyah
			16. Al-Siriyyah
[x] Al-Murji'ah (12)			17. Al-Azariyyah
*Pecahan 12 Kelompok berdasarkan Ideologi pemimpin			18. Al-Ajardiyyah
			19. Al-Taghlibiyyah
			20. As-Shakiyyah

21. Al-Fadliyyah
22. Al-Tajraniyyah
23. Al-Buhasiyyah
24. Al-Fudaykiyyah
25. Al-Ja'diyyah

Walaupun perbahasan di dalam kitab al-Milal wa al-Nihal meliputi agama lain, namun 72 kelompok dalam aliran pemikiran Islam masih dapat diperincikan secara jelas. Imam al-Sharastani dalam kitabnya al-Milal wa al-Nihal memperincikan 72 kelompok umat Islam kepada 6 kelompok yang besar iaitu *Muktazilah* 12 kelompok, *Jabariyyah* 3 kelompok, *Sifatiyyah* 3 kelompok, *Al-Murji'ah* 6 kelompok, *al-Khawarij* 22 kelompok, dan *Syiah* 26 kelompok (al-Sharastani 1997). 72 kelompok umat Islam di dalam kitab al-Milal wa al-Nihal adalah seperti dalam jadual 4.

Jadual 4: Perincian 72 kelompok umat Islam menurut Imam al-Sharastani

72 Kelompok umat Islam menurut Imam al-Sharastani			
Muktazilah [12]	Jabariyyah [3]	Al-Khawarij [22]	Syiah [26]
1. Al-Wasiliyyah	1. Al-Jahmiyyah	Al-Khawarij, al-Murji'ah dan al- Wa'idiyyah	1. Syiah al-Kaisaniyyah
2. Al- Huzailiyyah	2. Al-Najjariyyah	1. Al-Muhakkimah al-Ula	a) Al-Mukhtariyyah
3. An- Nazzamiyyah	3. Al-Dirariyyah	2. Al-Azariqah	b) Al-Hashimiyyah
4. Al-Khabitiyyah/ al-Hadithiyyah		3. Al-Najadat al-'Azyiriyyah	c) Al-Bayaniyyah
5. Al-Bishriyyah	Sifatiyyah [3]	4. Al-Baihasiyyah	d) Al-Rizamiyyah
6. Al- Mu'ammariyyah	1. Al-Ash'ariyyah	5. Al-'Ajaridah	2. Syiah al-Zaidiyyah
7. Al-Mardariyyah	2. Al-Musyabbihah	a) Al-Sultiyyah	a) Al-Jarudiyyah
8. Al-Thumamiyyah	3. Al-Karramiyyah	b) Al-Maimuniyyah	b) Al-Sulaimaniyyah
9. Al-Hisyamiyyah		c) Al-Hamziyyah	c) Al-Solihyyah dan Al-Batriyyah
10. Al-Jahiziyah	Al-Murji'ah [6]	d) Al-Khalafiyyah	
11. Al-Khayatiyyah/al-Ka'biyyah	1. Al-Yunusiyyah	e) Al-Atrafiyyah	
12. Al-Jubba'iyyah/ al-Bahshamiyyah	2. Al-Ubaidiyyah		3. Syiah Imamiyyah
	3. Al-Ghassaniyyah	6. Al-Tha'alibah	a) Al-Baqiriyyah dan Al-Ja'fariyyah al-Waqifah
	4. Al-Thaubaniyyah	a) Al-Akhnasiyyah	b) Al-Nawusiyyah
	5. Al-Tumaniyyah	b) Al-Ma'bad'iyyah	c) Al-Aftahiyyah
	6. Al-Salihyyah	c) Al-Rusyadiyyah	d) Al-Shumaitiyyah
		d) Al-Syaibaniyyah	e) Al-Ismailiyyah al-Waqifah
		e) Al-Mukramiyyah	f) Al-Musawiyah dan al-Mufadhaliyyah
		f) Al-Ma'lumiyyah/ Al-Majhuliyyah	g) Al-Ithna 'Ashariyyah Nama dua belas imam di sisi golongan Imamiyyah
		g) Al-Bid'iyyah	
		7. Al-Ibadiyyah	4) Syiah Ghulat
		a) Al- Hafsiyyah	a) Al-Saba'iyyah
			b) Al-Kamiliyyah

- | | |
|-------------------------------|----------------------------------|
| b) Al-Harithiyyah | c) Al-Albaiyyah |
| c) Al-Yazidiyyah | d) Al-Mughiriyyah |
| | e) Al-Mansuriyyah |
| 8) Al-Sufriyyah al-Ziyadiyyah | f) Al-Khattabiyyah |
| | g) Al-Kayyaliyyah |
| | h) Al-Hishamiyyah |
| | i) Al-Nu'maniyyah |
| | j) Al-Yunisiyyah |
| | k) Al-Nusairiyyah/ Al-Ishaqiyyah |
| | 5) Ismailiyyah |

5.0 Kesimpulan

Kesimpulannya, kajian ini bertujuan mengetahui kandungan bab dan fasal serta mengenalpasti 72 kepelbagaian aliran pemikiran Islam yang disebutkan di dalam kitab at-Tanbih wa al-Radd 'ala Ahl al-Ahwa' wa al-Bida' karya Abu Husayn al-Malti. Perbandingan antara kitab at-Tanbih wa al-Radd 'ala Ahl al-Ahwa' wa al-Bida' dan kitab al-Milal wa al-Nihal menunjukkan persamaan dalam pengenalan kelompok meskipun menggunakan kaedah dan metodologi yang berbeza. Abu Husayn al-Malti memberikan fokus mendalam terhadap pemikiran yang dibawa oleh 72 kelompok aliran Islam sementara Imam as-Sharastani tidak hanya membincangkan aliran pemikiran Islam tetapi juga menyentuh agama-agama lain seperti Yahudi, Nasrani, Majusi, Thanawi dan Hindu serta penjelasan tentang falsafah. Walaupun terdapat perbezaan dalam skop perbincangan antara kedua-dua kitab ini, ciri-ciri pemikiran yang dibentangkan tetap selaras prinsip-prinsip Ahli Sunnah wal Jamaah. Harapan daripada kajian ini adalah agar penemuan dan analisis yang dihasilkan dapat memberi sumbangan yang signifikan kepada pemahaman umat Islam mengenai kerencaman aliran pemikiran yang ekstrem terhadap agama Islam.

Rujukan

- Al-Baghdādī, 'Abd al-Qāhir bin Ṭāhir bin Muḥammad. (2001) *Al-Farq bayn al-Firqah*. Ibrāhim Ramaḍān. Bayrūt: Dār al-Ma'rifah.
- Al-Dhahabī, Shams al-Dīn Muḥammad bin Aḥmad bin 'Uthmān. (1996). *Siyar A'lām al-Nubalā'*. Shu'ayb al-Arna'ūṭ & Muḥammad Na'im al-Arḡasūsī (pnyt.). Jil 7 Bayrūt: Mu'assasah al-Risālah.
- Al-Dhahabī, Shams al-Jazari Abu 'Abd Allah Muhammadain Ahmad bin 'Uthman. (1997). *Ṭabaqāt al-Qurra*. Ahmad Khuman (pnyt.). Jil 1 Riyādh: Markaz al-Malik faysal lil buhuth al-Islamiyyah.
- Al-Dimasyqi, Taqi al-Din Ibn Qadi Shahiyah. (1978). *Ṭabaqāt al-Shāfi'iyyah*. Hafiz Abdul Alim Khan (pnyt.). Jil. 1. Aligarh: al-Maarif lil hukumat al-A'liyah al-Hindiyyah.
- Al-Isfarāyīnī, Abū al-Muzaffar Shāhūr bin Ṭāhir bin Muḥammad al-Shāfi'ī. (2010). *Al-Ṭabṣir fī al-Dīn wa Tamyiz al-Firqah al-Nājiyah 'an al-Firqah al-Hālikīn*. Muḥammad Zāhid al-Kawtharī (pnyt.). Al-Qāhirah: Al-Maktabah al-Azhariyyah li al-Turāth.

- Al-Kawtharī, Muḥammad Zāhid. (2010). Iftirāq al-ummah ‘ala firaq. Dlm. Al-Isfarāyīnī, Abū al-Muzaffar. *Al-Tabṣīr fī al-Dīn wa Tamyīz al-Firqah al-Nājiyyah ‘an al-Firaq al-Hālikīn*, hlm. 3-11. Al-Qāhirah: Al-Maktabah al-Azhariyyah li al-Turāth.
- Al-Malṭī, Abū al-Ḥusayn Muḥammad bin Aḥmad bin ‘Abd al-Raḥman. (2014). *Al-Tanbīh wa al-Radd ‘alā Ahl al-Ahwā’ wa al-Bida’*. Muḥammad Zāhid al-Kawtharī (pnyt.). Al-Qāhirah: Al-Maktabah al-Azhariyyah li al-Turāth.
- Al-Malṭī, Abū al-Ḥusayn Muḥammad bin Aḥmad bin ‘Abd al-Raḥman. (2009). *Al-Tanbīh wa al-Radd ‘alā Ahl al-Ahwā’ wa al-Bida’*. Muḥammad Zāhid al-Kawtharī (pnyt.). Al-Qāhirah: Al-Maktabah al-Azhariyyah li al-Turāth.
- Al-Malṭī, Abū al-Ḥusayn Muḥammad bin Aḥmad bin ‘Abd al-Raḥman. (2007). *Al-Tanbīh wa al-Radd ‘alā Ahl al-Ahwā’ wa al-Bida’*. Syeikh al-Mārḥī (pnyt.). Bayrūt: al-Majdal al-Mani lil abja’tḥ al-Syarqiyyah.
- Al-Shahrastani, Muhammad ‘Abd al-Karim (n.d). *al-Milal wa al-Nihal*. Ed. by Muhammad Syed Kaylani. 2 vols. Beirut: Dār al-Ma’rifah, nd. (1984). *Muslim Sects and divisions: The section on Muslim sects in Kitāb al-Milal wa al-Nihal*. Trans. By A.K Kazi and J.G. Flynn. London: Kegan Paul International. (1997) *al-Milal wa al-Nihal*. Ed. by Amīr ‘Alī Mahnā and ‘Alī Hassan Fā’ūr. 2 vols. Beirut: Dār al-Ma’rifah.
- Al-Subkī, Tāj al-Dīn Abū Naṣr ‘Abd al-Wahhāb bin ‘Alī bin ‘Abd al-Kāfī. t.th. *Ṭabaqāt al-Shāfi’iyyah al-Kubrā*. Maḥmūd Muḥammad al-Ṭanāḥī & ‘Abd al-Fattāḥ Muḥammad al-Ḥuluw (pnyt.). Jil. 5. t.tp.: Fayṣal ‘Isā al-Bābī al-Ḥalabī & Dār Iḥyā’ al-Kutub al- ‘Arabiyyah.
- Mahmud ‘Ali Himayah. (2001). *Ibn Hazm: Biografi, Karya dan Kajiannya tentang agama-agama* (terj). Jakarta: Pt Lentera Basritama.
- Mohammed Salim Muhyisin. (1992). *Mu’jam Hafiz al-Qur’an ‘abr at-Tarikh*. Jilid 2, hlm 203: Dar al-Jil.
- Mohd Faizal, A.K, Mohamed Fairouz Abdul Khir, & Mohd Fahmi A.K. (2015). Metodologi al-Shahrastani dalam al-Milal wa al-Nihal. *Journal of Asian Islamic Higher Institutions (JAIHI)*. Volume 1,(1): 1-10
- Muhammad Azizan Sabjan. 2022. Cendekiawan Heresiografi Awal dalam perbandingan Agama: Muhammad ‘Abd al-Karim al-Shahrastani dan kitabnya Al-Milal wa al-Nihal. *Journal of Islamic Social Sciences and Humanities (AL-‘ABQARI)*. Vol. 26 (1): 79-92.
- Oliver Leaman. 2006. *The Biographical Encyclopedia of Islamic Philosophy*. London, New Delhi, New York, Sydney: Bloomsbury Academic.
- Wan Haslan Khairuddin. (2017). Wacana Ahli Sunah Waljamaah Menurut Abu Mansur Al-Baghdadi (M.429H/1037M). *Prosiding Seminar Kebangsaan Asyairah Ahli Sunah Waljamaah: Menjernihkan Pemikiran Masyarakat ke Arah Pegangan Majoriti Umat 2017*, hlm. 2-4.